

Inuussutissarsiornermut, Suliffeqarnermut Inuussutissarsiutinullu ilinniartitaanermut Naalakkersuisoqarfik
Naalakkersuisoq
Landsstyreområdet for Erhverv, Arbejdsmarked og Erhvervsuddannelser
Landsstyremedlemmet
Ministry of Industry, Labour and Vocational Training
The Minister



Inatsisartunut ilaasortaq Jens B. Frederiksen

4. februar 2008
J.nr. 54.10

Postboks 1601
3900 Nuuk
Oq/tel +299 34 50 00
Fax +299 32 56 00
ip@gh.gl
www.nanoq.gl

Suliatunngitsoortarnermut tunngatillugu Naalakkersuisunut apeqquteqaat.

(Inatsisartunut ilaasortaq Jens B. Frederiksen, Demokraatit)

Naalakkersuisut sinnerlugit qutsavigissavara Inatsisartunut ilaasortap Jens B. Frederiksenip, Demokraatit, sulinngitsoortarnermik ajornartorsiutip iliuuseqarfiginissaa oqariartuutigimmagu.

Suliatunngitsoortarneq sorlerpiaq Demokraatinit apeqquteqarnermi toqqammaviu-nersoq apeqquteqaammi ersarissutut oqaatigineqarsinnaanngilaq. Tassami suliatunngitsoornermi peqqutaasinnaasut arlaqarmata:

Katsorsarneqarsinnaasumik napparsimaneq
Sulisilluni ajutoorsimaneq peqqutigalugu suliatunngitsoorneq
Peqquteqanngitsumik suliatunngitsoorneq

Taaneqartut siullit marluk kisitsisitigut ajornanngitsumik uppersaasersorneqarsinnaapput, paasissutissat assigiinngitsut nunatsinni Sulisilluni Ajutoorsinnaanermik Isumannarisooqarfimmit aammalu Sullivinnik Nakkutilliisooqarfimmit pissarsiarineqarsinnaammata.

Patsigineqarsinnaasut pingajuat aallaaviginiaraanni kisitsisitigut uppersarneqarsinnaanera ajornakusoorerussaaq, peqquteqavinnani suliatunngitsoortarneq assigiinngitsorpasuarnik aallaaveqarsinnaammat: akissarsianik naammaginninnginneq, suliffeqarfimmi toqqjissimanninnginneq, suliffeqarfimmi soqutigineqanngitsutut isigineqarnermik isumaqarneq, avatangiisit ajorneri, sueq, kiak, atortorissaannginneq, pimmatigineqartarneq allarpasuillu.

Suliatunngitsoortarnerit ersarinnerusumik nalunaarsorneqarsinnaalernissaat anguniarneqarsinnaavoq pisortat tungaanniit itinerusumik misissuineritigut. Eqqarsaatigineqarsinnaavoq ukiut arlallit ingerlaneranni paasissutissanik katersisoqartoq, as-sersuutigalugu taaneqarsinnaavoq ukiumi siullermi sanaartornermi suliffeqarfiit immersugassatigut misissuiffigineqartut, ukiunili tulluuttuni suliffeqarfiit allat aamma taamatut iliorfigineqartut. Taama iliornikkut ukiut arlallit ingerlaneranni takuneqar-sinnaalissagaluarpoq sooq sulisut suliatunngitsoortarsimanersut. Misissuilernissap taamatut isikkullip ukioq manna aallartinneqarsinnaanera ajornaqutissaqanngilaq.

Iliuserineqarsinnaasut allat ilagisinnaavaat nunatsinni suliffeqarfiit avatangiisai pillugit isumasioqatigiissitsisoqartoq. Manna tikillugu tamat ataatsikkut peqataaffigisaannik isummanik paarlaasseqatigiittoqarnikuunngilaq. Taama isumasioqatigiissitsisoqarsinnaappat Naalackersuisoqarfik aamma Sullivinnik Nakkutilliisoqarfik iliuseqarniarnissamut toqqammavissarissaarnerulissagaluarpot.

Qulaani taakkartorneqartut suliarineqarnerini Nunat Avannarliit qanittumik suleqatigineqarsinnaappot, taamaalillugu nunani tamakkunani ilisimasat atorlugit nunatsinnut naleqquttumik iliuusissanik aalajangersaasinnaaniassagatta. Ilanngunneqarsinnaavortaaq ajornannginnerusunik napparsimalersimanermik nalunaarsinnaanerup pilersinneqarneratigit suliaritunngitsoortarnerup sunik patsiseqarnerata qulaajarneqarsinnaalernissaa. Tamanna pisinnaavoq soorlu Namminersornerullutik Oqartussat nittartagaat aqqutigalugu nalunaarutissamik aallersinnaaneq. Siunissami qaninnermi aamma atorneqalersinnaasappot inunnik sullissisarfiit pilersinneqartussat (Borgerportalen).

Naalackersuisoqarfimmiit Sullivinnik Nakkutilliisoqarfik qanimut suleqatigineqarpoq, ilaatigut Arbejdsmiljørådimi malinnaasutut ilaasortaataitaqarnikkut kiisalu ulluinnarni nalinginnaasumik suleqatigiittarnikkut.

Inussiarnersumik inuulluaqqusillunga

Siverth K. Heilmann
Naalackersuisoq